

	Universiteti i Prizrenit University of Prizren Univerziteti Prizrena <b>“UKSHIN HOTI”</b>
Pranuar me dit. <b>13.2.2024</b>	
Zyra e pranimit	Nr. i protokolit
<b>308</b>	<b>01-69</b>



Ministria e Justicës / Ministry of Justice of the Republic of Kosovo  
Institucioni i Avokatit të Popullit /  
Institution of the Public Defender of the Republic of Kosovo

	Republika e Kosovës Republika Kosova - Republic of Kosovo
	Institucioni i Avokatit të Popullit / Institucija Ombudsmana - Ombudsperson Institution
Nr.Br./No. <b>01/2024</b>	
Nr.i fq/Br.str./Nr.pg.	
Data/Datum/Date. <b>12/02/2024</b>	
PRISHTINË - PRISTINA - PRISTINA <b>I</b>	



## MEMORANDUM MIRËKUPTIMI

në mes

**INSTITUCIONI I AVOKATIT TË POPULLIT** në njëren anë,

dhe

**FAKULTETIT JURIDIK – UNIVERSITETI “UKSHIN HOTI” NË PRIZREN**

në anën tjetër,

tutje referuar së bashku si “Palët”;

Prishtinë, 12 Shkurt 2024

**Palët kanë arritur pajtim dhe mirëkuptimin për çështjet vijuese, që pasqyrohen në nenet e këtij memorandumi:**

**Neni 1  
Qëllimi**

- 1.1 Qëllimi i këtij memorandumi është krijimi i bashkëpunimit në mes të Institucionit të Avokatit të Popullit (IAP) dhe Fakultetit Juridik/Universiteti “Ukshin Hoti” në Prizren (tutje referuar si “FJ” dhe “Fakulteti Juridik”) përfshirë fuqizimin e bashkëpunimit në fushën e sundimit të ligjit, përmes edukimit dhe arsimimit ligjor si dhe dhënien e ekspertizës profesionale të përbashkët apo edhe aktivitetave tjera të karakterit arsimor, hulumtues dhe profesional, që reflektojnë fushëveprimin e të dyja institucioneve, me qëllim të avancimit të të drejtave të njeriut në vend.
- 1.2 Fakulteti Juridik do të bashkëpunojë me *Avokatin e Popullit* në pajtim me mandatin dhe përgjegjësitë e Institucionit të përkufizuara në Ligjin për Avokatin e Popullit Nr.05/L-019.

**Neni 2  
Fushëveprimi**

Ky memorandum përfshin të drejta dhe obligime reciproke, për palët nënshkruese dhe zbatohet në kuadër të të drejtave dhe obligimeve që marrin palët, duke pasur parasysh qëllimin e tij.

**Neni 3  
Të drejtat dhe detyrimet e palëve**

- 3.1. Palët pajtohen që të drejtat dhe detyrimet të përcaktohen në përbajtjen e këtij memorandumi.
- 3.2. Në rast të dallimeve, palët pajtohen që të zgjidhin dallimet në bazë të mirëkuptimit, përfshirë edhe zgjidhjen që favorizon mundësitet për të dyja palët.

**Neni 4  
Mbrojtja e të dhënave personale**

Të dhënat/informatat e pranuara gjatë zbatimit të këtij memorandumi do të trajtohen me konfidencialitet dhe në harmoni të plotë me *Ligjin Nr. 05/L-019* për Avokatin e Popullit dhe *Ligjin Nr. 06/L-082* për mbrojtjen e të dhënave personale.

**Neni 5  
Përgjegjësitë dhe objekti i memorandumit**

- 4.1. Palët pajtohen që të mbështesin njëra tjetrën në mënyrë reciproke, përmes arsimit ligjor, në fushën e sundimit të ligjit dhe të drejtave të njeriut, për çështjet si në vijim:

- a) IAP mbështet Fakultetin Juridik me ekspertizë profesionale nga praktika, në lidhje me programin baçelor dhe programin master të Fakultetit Juridik “Qeverisja Demokratike dhe Sundimi i Ligjit”;
- b) IAP, ndihmon Fakultetin Juridik dhe studentët e programit baçelor dhe master “Qeverisja Demokratike dhe Sundimi i Ligjit” që të kenë qasje për nevoja studimore në të dhënat e gjeneruara nga burimet elektronike, databazat dhe rastet praktike të zhvilluara nga IAP të cilat janë në dispozicion për publikun dhe për nevoja hulumtuese;
- c) IAP, mundëson qasjen e personelit akademik të Fakultetit Juridik dhe studentëve të programit master “Qeverisja Demokratike dhe Sundimi i Ligjit” në vizita të shkurtra studimore në IAP, me qëllim të realizimit të programit;
- d) Fakulteti Juridik pajtohet që të mbështesë IAP, brenda mundësive me ekspertizë profesionale të personelit akademik;
- e) Fakulteti Juridik pajtohet që të organizojë sipas nevojës aktivitete profesionale dhe të mbështesë aktivitetet e IAP;
- f) Fakulteti Juridik pajtohet që studentët e programit master respektiv dhe studentët e tjera, sipas nevojës të bëhen pjesë e aktiviteteve zyrtare të IAP dhe të mbështesin ato;
- g) Palët pajtohen që të organizojnë aktivitete të përbashkëta akademike, përfshirë ligjërata si dhe tryeza profesionale, në funksion të forcimit të sundimit të ligjit.

4.2. Të gjitha detyrat e palëve të përcaktuara në këtë nen përbushen duke pasur parasysh legislacionin në fuqi, rregullat e brendshme si dhe rregullat dhe standartet etike.

#### **Neni 6 Mirëbesimi**

Palët pajtohen që ky memorandum zbatohet në mirëbesim profesional, duke realizuar obligimet konkrete të këtij memorandumi.

#### **Neni 7 Zbatimi**

6.1.Për të gjitha veprimet në përbushjen e këtij memorandumi, palët nuk kanë obligime financiare ndaj njëra tjetrës.

6.2.Me qëllim të zbatimit të këtij memorandumi palët garantojnë një bashkëpunim dhe komunikim efektiv, përmes nënshkruesve drejtpërdrejtë ose përmes personave përgjegjës që caktohen nga nënshkruesit e këtij memorandumi.

6.3.Palët njofojnë me shkrim njëra tjetrën për çështjet që janë pjesë e zbatimit të këtij memorandumi, përmes kërkesave ose një plani konkret paraprak të përgaditur.

6.4.Me qëllim të zbatimit të këtij memorandumi palët mbajnë kontakte të rregullta, përmes personave përgjegjës të caktuar paraprakisht dhe të ngarkuar për zbatimin e këtij memorandumi.

**Neni 8**  
**Plotësimet dhe ndryshimet në Memorandum**

IAP dhe Fakulteti Juridik mund të plotësojnë pjesë të këtij Memorandumi në çdo kohë, nëse për to është dhënë pëlqimi me shkrim i IAP dhe Fakultetit Juridik.

**Neni 9**  
**Kohëzgjatja e Memorandumit**

8.1.Memorandumi ka vlefshmëri të pakufizuar, përpos nëse palët merren vesh ndryshe me shkrim.

8.2.Memorandumi mund të përfundoj me kërkesën me shkrim nga cilado prej palëve nënshkruese, me një paralajmërim prej së paku 30 ditëve.

**Neni 10**  
**Zgjidhja e mosmarrëveshjeve**

Palët pajtohen që çfarëdo mosmarrëveshje në lidhje me interpretimin e një pjese apo në tërësi të këtij memorandumi, ta zgjidhin me mirëkuptim, në frysë e njëjtë me të cilën është nënshkruar ky Memorandum.

**Neni 11**  
**Hyrja në fuqi**

10.1.Ky Memorandum hyn në fuqi në ditën e nënshkrimit të tij nga palët. Në pajtim të plotë, palët e nënshkruajnë këtë Memorandum më datë \_\_\_/\_\_\_/2024, në Prishtinë.

10.2.Memorandumi nënshkruhet në 2 (dy) kopje të njëjta, nga një kopje për secilën palë.

Palët nënshkruese:

Naim Qelaj  
Avokat i Popullit  
Institucion i Avokatit të Popullit

